

Ilija Cvitanović, izaslanik u Domu naroda
Parlamentarne skupštine BiH

Sarajevo, 29. svibnja 2023. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		29-05-2023	✓
Organizaciona jedinica	Klasifikaciona oznaka	Redni broj	Broj priloga
02 -	SO-6-	46-5	/23

Sukladno čl.155. i 156. Poslovnika Doma naroda Parlamentarne skupštine BiH („Službeni glasnik BiH“ br.58/14,88/15,96/15 i 53/16), postavljam pitanje ministru sigurnosti Bosne i Hercegovine, gosp. Nešiću:

Poštovani gosp. ministre,

S obzirom da je Ministarstvo sigurnosti Bosne i Hercegovine, između ostalog, nadležno za:

- prikupljanje i korištenje podataka od značaja za sigurnost Bosne i Hercegovine,
- organizaciju i usaglašavanje aktivnosti entitetskih ministarstava unutrašnjih poslova i Brčko Distrikta Bosne i Hercegovine u ostvarivanju sigurnosnih zadataka u interesu Bosne i Hercegovine.
- pružanje podrške policijskim tijelima Bosne i Hercegovine, te
- školovanje i stručno usavršavanje kadrova u skladu s potrebama policijskih tijela Bosne i Hercegovine i drugih službi i agencija iz oblasti sigurnosti,

a u svezi s očitim porastom opće nestabilnosti i nemira uslijed očitih prijetnji za život i sigurnost velikog broja građana Bosne i Hercegovine i okruženja, koji ne dolaze isključivo iz terorističkih i kibernetičkih prijetnji i organiziranog kriminala, nego iz opće nesigurnosti i nesigurnosti javnog prometa, u svjetlu nedavnih maloljetničkih ubojstava u susjednoj Srbiji i tragičnog događaja od prije nekoliko dana u Sarajevu u kojem je u prometu ubijena mlada liječnica Azra Spahić a još najmanje dvije osobe su ozbiljno povrijeđene, ne zanemarujući stotine stradalih u prethodnim razdobljima, pri čemu podsjećam da je Bosna i Hercegovina na neslavnom trećem mjestu u Europi po prosječnom broju smrtnih ishoda u prometnim nesrećama (odmah nakon Rusije i Gruzije), te da se značajno povećava broj registriranih motornih vozila u Bosni i Hercegovini a da je njihova prosječna starost viša od 16 godina, da se broj poginulih u prometnim nesrećama u Bosni i Hercegovini u posljednjih nekoliko godina kreće između 220 i 260 na godišnjoj razini – drugim riječima u Bosni i Hercegovini u posljednje četiri godine u prosjeku svaki tjedan pogine između 4 i 5 osoba, da je broj teško ozlijedjenih u prometnim nesrećama u BiH za dvije godine porastao s 1.268 na 1.554 osobe, što je porast od stravičnih 22,56%, odnosno da svakoga dana svakih šest (6) sati u Bosni i Hercegovini u prosjeku bude teško ozlijedena jedna osoba u

prometnoj nezgodi, izvještajima Sektora za informiranje i dokumentaciju BIHAMK-a najviše tragičnih ishoda prometnih nesreća događa upravo u naseljenim mjestima, a da skoro jedna trećina prijavljenih kaznenih djela protiv sigurnosti javnog prometa u Bosni i Hercegovini nikad ne bude procesuirana niti završena odgovarajućom presudom, molim odgovor na sljedeće pitanje:

Molim da Ministarstvo sigurnosti Bosne i Hercegovine dostavi informaciju o radnjama i preventivnim mjerama, zatim o sustavno provedenim aktivnostima, i posebno o prikupljenim podacima i analizama, kojima su obuhvaćene procjene rizika za sigurnost građana Bosne i Hercegovine kad je u pitanju ostvarivanje sigurnosnih zadataka u interesu Bosne i Hercegovine, a s obzirom na visok broj nasilnih smrти u prometu, na povećan broj teže ozlijedjenih osoba u prometu, a ta informacija bi uključivala poduzete aktivnosti vezane za organizaciju i usaglašavanje aktivnosti entitetskih ministarstava unutrašnjih poslova i Brčko Distrikta Bosne i Hercegovine, pružanje podrške policijskim tijelima Bosne i Hercegovine, programe školovanja i stručnog usavršavanja kadrova u skladu s potrebama policijskih tijela Bosne i Hercegovine i drugih službi i agencija iz oblasti sigurnosti? Drugim riječima, ima li Ministarstvo sigurnosti temeljitu i kvalitetnu analizu stanja i procjenu osoba koji predstavljaju prijetnju sigurnosti građanima Bosne i Hercegovine kad je u pitanju sigurnost u cestovnom, ali i svakom drugom, prometu.

Ilija Cvitanović
